

Aen Gunghbau Aen Hoih Daengx-cungq Baez Daihseiq Cungh-yangh Veijyenzei Gaiq Ngeihcib Cunghgoz Gungcanjdangj

(2025 nienz 10 nyied 23 hauh Aen Hoih Daengxcungq Baez Daihseiq Cunghyangh Veijyenzei Gaiq Ngeihcib Cunghgoz Gungcanjdangj doenggvaq)

(ciep banjdaez)

Cienzhohi vixok, mboengq “Cibhaj Haj” aeu hawj ginghci sevei fazcanj itdingh aeu ciuqei doengh aen yenzcwz lajneix, dawzmaenh yienghyiengh aeu dangj lingjdauj, dawzmaenh aeu yinzminz cuengq youq vih daih’ it, dawzmaenh yiengh hwnghat coh ceiq ndei, dawzmaenh cienzmienh gyalaeq gaijgwz, dawzmaenh aen hawciengz mizyauq caeuq aen cwnghfuj ak guhsaeh dox giethab, dawzmaenh doengbuenz maeuzveh hwnghat caeuq ancienz.

Cienzhohi daezok le gij cujyau moegbiu ginghci sevei fazcanj mboengq “Cibhaj Haj”: Yiengh hwnghat coh ceiq ndei aeundaej cingzyauq yienhda, gohgi gag guh gag ak bonghyat hwnj sang, caiq cienzmienh gyalaeq gaijgwz ndaej miz cunghyoengq moq, sevei vwnzmingz mingzyienj daezswng, saedceij yinzminz yied gvaq yied ndei, hwnqguh aen Cungguek gyaundeidei byaij ok yamq hung, gaiqdangj hawj guekgia ancienz engggya maenhdwat. Youq gwnz giekdaej neix caiq haenqrengz buekguh haj bi, daengz 2035 nienz guh daengz gij saedlig ginghci, saedlig gohgi, saedlig gozfangz, gueklig cunghab caeuq gij rengzlig yingjiyangj gozci guek raeuz bonghyat hwnj sang, swnghcanj cunjiciz ndaw guek dan bingz daengz gak boux dabdaengz gij suiyingz aen guekgia fatdad cunghdaengj, ndwenngoengz yinzminz engggya vuenyungz gyaundeidei, daihdaej guhbaenz sevei cuji yendaiva.

Cienzhohi daezok, hwnqguh aen diji canjnieb yendaiva, guhmaenh guhhung aen goekgaen yiengh ginghci saeddaej. Dawzmaenh guh ginghci aeu coq rengz guh yiengh ginghci saeddaej, dawzmaenh aen fuengyiengq baenz cinwngz, baenz loegsaek, dox yungzhab, gyavaiq hwnqguh aen guekak dajcauh, aen guekak caetliengh, aen guekak hangzdenh, aen guekak gyaudoeng, aen guekak vangjloz, bauj hawj hangz cauhguh beijaenh hableix, cauhlaeb aen diji canjnieb yendaiva aeu hangz cauhguh maenhndei guhdaez haenx. Aeu gaijndei swngsang doengh aen canjnieb conzduengj, ganq ok guh hung gij canjnieb ngamq hwnghat caeuq yiengh

canjnieb daengzcog, coicaenh hangz fugsah ndei youh vaiq bae hwnghat, laebhwnj gij diji sezsih giekdaej hab ciuhneix.

Cienzhohi daezok, gyavaiq guh yiengh gohgi suiyingz sang haenx guh daengz gag guh gag ak, lingxdaez hwnghat yiengh swnghcanjliz rengzmoq. Cadawz aen lizsij seizgei lwnz gohgi gwzming caeuq canjnieb bengwz moq, doengbuenz maeuzveh hwnqguh aen guekak gyauyuz, aen guekak gohgi, aen guekak vwnzcaiz, daezswng gij cingjdaej yauqnaengz aen cauhamoq diji guekgia, cienzmienh gyaak gij bonjsaeh gag cauhamoq, ciemqhah giz diegsang gohgi hwnghat, mboujduenh coiok yiengh swnghcanjliz rengzmoq. Gyarengz guh codaeuz cauhamoq caeuq gung roengz gij gisuz ceiq youqgaenj, doinyoengx gohgi cauhamoq caeuq canjnieb cauhamoq yungzhab haeuj laeg, baenz cingjdaej doinyoengx gyauyuz gohgi vwnzcaiz fatmaj, haeujlaeg doinyoengx hwnqguh soqcih Cungguek.

Cienzhohi daezok, hwnqguh aen hawciengz ndaw guek hung’ ak, gyavaiq cauhaeb aen buenzmienh hwnghat moq. Dingjmaenh gyadaih ndaw guek aeuyungh aen canloz dajdaez neix, dingjmaenh ndeileih beksingq gwndaenj caeuq coi siufeiq, douzcienz haeuj huq caeuq douzcienz haeuj vwnz gaenjaed giethab, aeu yiengh aeuyungh moq dazyinx yiengh gunghawj moq, aeu yiengh gunghawj moq daej cau ok yiengh aeuyungh moq, coi hawj siufeiq caeuq douzsw, gunghawj caeuq aeuyungh doxcoi doxhab, hawj aen loek ndaw guek engq ak dwk gag fat rengz baenqcieng caeuq engggya baengh ndaej. Aeu roengzrengz guhhoengh siufeiq, gyalai yiengh douzcienz raenhamq, laemxsim cekawz giz gaz giz saek ngaih daengz hwnqguh aen hawciengz hung daengx guek doengzcaemh haenx.

Cienzhohi daezok, gyavaiq cauhaeb aen diji yiengh hawciengz ginghci sevei cuji suiyingz sang, dem’ ak gij rengzyoengx coi hwnghat guh coh ceiq ndei. Dawzmaenh caeuq laebndei gij gihbwnj ginghci cidu sevei cuji, engq ndei langh’ ok gij rengz bengrag ginghci diji gaijgwz, laebndei aen diji ceihleix hungzgvanh ginghci, saedbauj hwnghat

coh engq ndei dwk byaij onj bae gya. Aeu lailai gikfat gij rengzhoengh gak loih ginghyingz cawjdaej okdaeuj, gyavaiq laebndei gij diji gihi youz hawciengz ndaboiq yausu, daezswng gij yauqnaengz ceihleix hungzgvanh ginghci.

Cienzhohi daezok, gya’ gvangq yiengh doiq rog hailangh suiyingz sang, haicauh aen buenz moq gapguh caezhingz. Onjbouh gyadaih hailangh hawj cidu doiqciep gozci, henho aen diji lai mbiengj guh gaicawx, haigvangq aen baenqloek gozci, aeu hailangh coi gaijgwz coi hwnghat, caeuq seiqgyaiq gak guek caezyiengj seizgei, doengzcaez hwnghat. Aeu lai gag bae gyadaih hailangh, doinyoengx cauhamoq hwnghat gij gaicawx doiq rog, haigvangq aen diendeih suengyiengq douzcienz gapguh, hwnj mbaek sang caez guh “it rangh it loh”.

Cienzhohi daezok, gyavaiq gij yendaiva nungzyez lajmbanj, netsaed doicaenh cienzmienh guhhoengh lajmbanj. Dawzdingh aeu gaijgez ndei gij vwndiz “sam nungz” dangguh hongsaeh daengx dangj gaiq ceiq youqgaenj de, coihaeuj singz mbanj yungzhab hwnghat, lienzaemh gyamaenh gya’ gvangq gij cwngzgoj haenqrengz duetgungz, doinyoengx lajmbanj daihdaej bwhmiz gij diuzgienh ndwenngoengz ciuhneix, gyavaiq hwnqguh aen guekak nungzyez. Aeu gyaak gij rengz nungzyez gyobhab swnghcanj caeuq hawj nungzyez lai ndei lai sou, doihaeuj hwnqguh cunj lajmbanj hab youq hab hong youh gyaundeidei, lai hawj gij cwnghat guh’ ak nungzyez, ndeileih lajmbanj, nungzminz ndaej fouq haenx engggya raenhamq.

Cienzhohi daezok, gaijndei gij baijbouh ginghci gvaengxdieng, coicaenh gvaengxdieng doxdaengh hwnghat. Langh’ ok gij yauq baengh aen canloz gvaengxdieng doxdaengh hwnghat, aen canloz hungnaek gvaengxdieng, aen canloz cujdij gunghwnzgzgih, aen canloz hawsingzvaq yienghmoq doxdaeb, gaijndei baijbouh gij swnghcanjliz hungnaek, langh’ ok gij rengz gyauejdemmaj gvaengxdieng youqgaenj, cauhaeb aen baijbouh ginghci gvaengxdieng caeuq aen diji gyanghoeng diegguek gizak doxbouj,

ndeivaiq hwnghat. Aeu gyaak yiengh doxdaengh gvaengxdieng hwnghat, coicaenh gvaengxdieng gapfwngz hwnghat, gaijndei aen gvaenghgaq gyanghoeng diegguek hwnghat, haeujlaeg doicaenh gij hawsingzvaq yienghmoq aeu vwnz guh goek, gyarengz haifat leihyungh baujhoh dieghaij.

Cienzhohi daezok, gikfat daengx aen minzcuz raeuz ak cauhamoq ak cauhamoq vwnzva, guhhoengh yiengh vwnzva sevei cuji. Dingjmaenh aen diegvih Majgwzsw Cuji dazyinx yisiz hingzdai, ingbaengh gij vwnzmingz Cunghvaz gvangqlangh naekna, swnhwngq aen cauqliuz saenqsik gisuz hwnghat, hwnghat yiengh vwnzva sevei cuji miz gij daegsaek Cungguek seizdaih moq youh miz gij rengzak dazyinx swhsienj, gij rengzak gietcomz cingsaenz, gij rengzak dazyinx gyaciz aeuyiengq, gij rengzak yingjiyangj seiqgyaiq, maenhsaed doicaenh dajcauh aen guekak vwnzva. Aeu hwnghat caeuq hengzguh aen hwsinh gyacizgvanh sevei cuji, roengzrengz guhhoengh gij saehnieb vwnzva, gyavaiq hwnghat yiengh canjnieb vwnzva, lai hawj gij vwnzmingz Cunghvaz cienzboq bae gvangq yingjiyangj bae gya.

Cienzhohi daezok, haenqrengz baujcaeng caeuq gaijndei gwndaenj beksingq, netsaed doicaenh daengxcungq yinzminz doxcaemh fouqmiz. Seizeiz aeu caenhrengz bae guh, aenq rengz bae guh, gyarengz guh gij hongsaeh ndaej ik doh, ndaej dajdaej, ndaej baujdaej beksingq gwndaenj haenx, gaijgez ndei gij vwndiz yinzminz ginzcong gaenjgip hojnanz youheiq deqmuengh gaijgez de, dwkdoeng diuz miengloh ndawbiengz dox baedauq, hawj ndwenngoengz beksingq yied ngoengz yied ndei. Aeu coicaenh cukgaeuq youh onjmaenh dwk couhnieb, laebndei aen cidu faenboiq souhaej, banh ndei gij gyauyuz hawj yinzminz habhoz, laebcaez aen diji yiengh baujcaeng ndawbiengz, doinyoengx fangzdicanj caetliengh sang bae hwnghat, gyavaiq hwnqguh aen Cungguek bouxboux ndangcangq, coihawj vwnzgyaeuq gig ndei bae fatmaj, onjbouh doihaeuj yiengh fugsah caezcaemh ceiq noix bouxboux doxdoengz. (cienj banj 3)